

լչներին: Վերջին լըը միացած են Կազան-
Բաշի լեռներին հարաւային ծայրով, իսկ
արեւելա — հիւսիսային կողմից Սախամին
լըին: Այս լեռներից իջնող առուներն են.
Կոունց (կրկին Վ. եւ Ս.), Հնուտ, Խափ,
Ջեօջ, Ծագոց, Սեմէգրէկ, Մումանց, Սե-
մերջիկ, Փիսիքիկ, Խենէշ, Կունտ կամ
Կունդ-Ոթանի եւ Բախչա, որոնք Կիսկիմի
սահմանի վրայ են, իջնում են Աղաջ-Քիլի-
սէից եւ խառնուում Ճորոխին, ոռոգելով
համանուն գեղերը, մացրաները, ախոռ-
ները, եայլաներն, վանքերն ու աւերակները:

Այս բոլոր գեղերում կան բազմաթիւ
ամրոցների, դղեակների¹, բերդերի տաճար-

Քիլիսան ուղղակի «Նկնդեաց - անտառի» թարգմանու-
թիւնն է:

1 Յայտնի է, որ Բագրատունիները աւեր էին ինչ-
պէս Բաբերդոն-Սմբատաւանին, այդպէս էլ նրանց էր
պատկանում Սպերը: Բայց թէ Բաբերդոնի, Բալախոռի
եւ թէ Հովտիկի ու Սպերի ամբողջ հողերը բացարձակա-
պէս չէր կարող նրանց պատկանել. այլ այս գաւառնե-
րում կային ուրիշ սեփականատէր-կալուածատէրեր, որոնք
ունէին իրենց Ոստանն ու գեղերը այլեւայլ կողմերում:
Եթէ նոյն իսկ որեւէ կերպով փրացած էլ լինէին, ժա-
ռանգները բաժնուելիս՝ այլեւայլ մասեր ստանում եւ ա-
ռանձնացնում էին կալուածները: Սպերի հովտի մէջ
գտնուած այլեւայլ ամրոցներն, ագարակներն, «Մեծանց
ագարակները» ինքն ըստ ինքեան պատմում են, որ հովիտը
բաժնուած է եղել մի երկու տասնեակ «մեծերի» կամ նա-
խարարների մէջ: Թէեւ այս լեռնականների մէջ լեզուի փո-
փոխմունքով ք դարձել է լ կամ յ Ս - 2 եւ այսպէս
շարունակաբար պէս-պէս կրճատուել, բայց եթէ Ալէգանցը-
Արեգանց կարգանք, Քայանցը՝ Քարանց, Գալկոնցը՝ Գար-
գարաց, Էբրանցը՝ Արեղեանց կամ Աբրահամեանց, Կա-